



SURAT EDARAN PENTADBIRAN
BILANGAN 2 TAHUN 2023

PEMBERIAN BANTUAN KHAS KEWANGAN
TAHUN 2023
DI UNIVERSITI TEKNIKAL MALAYSIA MELAKA

Pejabat Pendaftar
12 Januari 2023 | 19 Jamadilakhir 1444H

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar dan Alumni)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/3 (35)

12 JANUARI 2023
19 JAMADILAKHIR 1444H

SURAT EDARAN PENTADBIRAN BIL. 2/2023

PEMBERIAN BANTUAN KHAS KEWANGAN TAHUN 2023 DI UNIVERSITI TEKNIKAL MALAYSIA MELAKA

1.0 TUJUAN

- 1.1 Surat Edaran Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pemakaian dengan pindaan Surat Edaran Jabatan Perkhidmatan Awam No. Rujukan JPA.800-3/2/4 (17) bertarikh 27 Disember 2022 (Bantuan Khas Kewangan Tahun 2023) di Universiti Teknikal Malaysia Melaka.

2.0 LATAR BELAKANG

- 2.1 Melalui Surat Edaran Jabatan Perkhidmatan Awam No. Rujukan JPA.800-3/2/4 (17) bertarikh 27 Disember 2022, Kerajaan melalui Akta Kumpulan Wang Disatukan (Perbelanjaan Masuk Akaun) 2022, telah bersetuju supaya Bantuan Khas Kewangan (BKK) Tahun 2023 sebanyak RM700.00 dibayar kepada Pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56 dan ke bawah. Di samping itu, BKK Tahun 2023 ini turut dipanjangkan kepada pesara Kerajaan yang menerima pencen dan veteran tidak berpencen dengan bayaran sebanyak RM350.00.
- 2.2 Mesyuarat Khas Lembaga Pengarah Universiti Bilangan 1 Tahun 2023 yang bersidang pada 9 Januari 2023 telah bersetuju untuk menerima pakai dengan pindaan Surat Edaran Jabatan Perkhidmatan Awam No. Rujukan JPA.800-3/2/4 (17) bertarikh 27 Disember 2022 (Bantuan Khas Kewangan Tahun 2023) untuk dilaksanakan di UTeM tertakluk kepada syarat-syarat yang dinyatakan di bawah.

3.0 PELAKSANAAN

Selaras dengan keputusan tersebut, kaedah pelaksanaan pembayaran BKK Tahun 2023 di UTeM adalah seperti berikut:-

3.1 Bayaran LAYAK diberikan kepada:

- (i) staf Kumpulan Pengurusan dan Profesional serta Kumpulan Pelaksana Gred 56¹ dan ke bawah yang **masih berkhidmat pada 17 Januari 2023**;
- (ii) staf Kumpulan Pengurusan dan Profesional serta Kumpulan Pelaksana yang layak tersebut merupakan:
 - a. staf lantikan tetap, sementara dan *Contract of Service*(COS) ²;
 - b. staf yang bercuti bergaji penuh;
 - c. staf yang bercuti separuh gaji;
 - d. staf yang bercuti tanpa gaji; dan
 - e. staf yang dipinjamkan termasuk ke agensi yang diasingkan pengurusan saraannya. BKK Tahun 2023 ini akan dibayar oleh agensi yang menerima peminjaman staf.

3.2 Bayaran ini turut dibayar kepada Pekerja Sambilan Harian (PSH) yang telah berkhidmat selama sekurang-kurangnya enam (6) bulan pada tahun 2022 dan masih berkhidmat sebagai PSH pada 17 Januari 2023;

3.3 Bagi pesara Kerajaan yang menerima pencen termasuk penerima pencen terbitan di bawah undang- undang pencen serta pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan pada atau sebelum 17 Januari 2023 akan dibayar sebanyak RM350.00 oleh Jabatan Perkhidmatan Awam (JPA) manakala veteran berpencen dan tidak berpencen oleh Jabatan Hal Ehwal Veteran (JHEV);

3.4 Pesara (rujuk para 3.3) dan veteran yang dilantik semula secara lantikan tetap, sementara serta COS dan masih berkhidmat pada 17 Januari 2023 layak dibayar sebanyak RM700.00. Walau bagaimanapun, pembayaran sebanyak RM350.00 akan dibuat oleh JPA/JHEV dan bakinya sebanyak RM350.00 akan dibayar oleh jabatan di mana pegawai sedang berkhidmat (di UTeM);

¹ Staf di Gred 56 atau setara. Tidak termasuk pegawai yang sedang memegang di Gred Utama/Khas.

²Bagi staf di bawah *Contract for Service*, surat edaran berasingan akan dikeluarkan oleh Kementerian Kewangan.

- 3.5 Staf yang meninggal dunia pada 17 Januari 2023 layak diberi BKK Tahun 2023 sebanyak RM700.00;
- 3.6 Bayaran **TIDAK LAYAK** diberikan kepada:
- (i) staf dalam Kumpulan Pengurusan Tertinggi dan setaraf termasuk staf yang memangku, dipinjam/tukar sementara dan penempatan khas ke Gred Jawatan Utama/Gred Khas;
 - (ii) staf yang dikenakan hukuman tatatertib buang kerja atau turun pangkat dalam tempoh 1 Januari 2023 hingga 17 Januari 2023;
 - (iii) staf yang ditamatkan perkhidmatan demi kepentingan awam dalam tempoh 1 Januari 2023 hingga 17 Januari 2023;
 - (iv) staf yang meletak jawatan dalam tempoh 1 Januari 2023 hingga 17 Januari 2023; dan
 - (v) staf berpencen yang melepaskan hak pencen kerana menyertai Badan Berkanun Yang Diasingkan Saraan.
- 3.7 Staf yang **ditahan kerja, digantung kerja atau surat pertuduhan** telah dikeluarkan oleh Jawatankuasa Tatatertib Universiti akan ditangguhkan pemberian BKK Tahun 2023 ini. Staf hanya layak diberi BKK Tahun 2023 setelah dibebaskan daripada pertuduhan tatatertib atau dikenakan hukuman selain buang kerja atau diturunkan pangkat oleh Jawatankuasa Tatatertib Universiti; dan
- 3.8 Staf yang **sedang ditangguhkan bayaran emolumen kerana Tidak Hadir Bertugas Tanpa Kebenaran** juga akan ditangguhkan bayaran BKK Tahun 2023. Staf hanya layak dibayar BKK Tahun 2023 apabila hadir kembali bertugas dan tertakluk kepada pengesahan Pejabat Penasihat Undang-Undang mengenai pembebasan staf daripada pertuduhan tatatertib atau dikenakan hukuman selain buang kerja atau diturunkan pangkat oleh Jawatankuasa Tatatertib yang berkenaan.

4.0 TARIKH PEMBAYARAN

4.1 Bantuan Khas Kewangan Tahun 2023 ini akan dibayar pada **17 Januari 2023**.

5.0 TARIKH KUAT KUASA

5.1 Surat Edaran Pentadbiran ini berkuat kuasa mulai tarikh ia dikeluarkan.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka